

四庫全書

史部

欽定四庫全書

史部  
秘書監志卷二

編修臣 初喬齡覆校

武英殿纂修侍講陳嗣龍

欽定四庫全書

秘書監志

提要

臣等謹按秘書監志十一卷元王士點商企  
翁同撰士點有禁扁已著錄企翁字繼伯曹  
州人官著作佐郎其書成於順帝至正中凡  
至元以來建置沿革典故事無不具載司  
天監亦附錄焉蓋元制司天監隸秘書省猶

漢制以太史令兼職天官之義也後列職官題  
名與南宋館閣錄例同其兼及直長令史  
皆纖悉詳錄則以金源以後以掾吏為士人  
登進之階往往由此起家洊至卿相其職重  
於前代耳其所紀錄多可以資考核朱彛尊  
嘗據以辨吳鄴即張應珍以大德九年改名  
歷仕秘書少監非宋遺民證吉安府志之誤  
則于史學亦多所裨矣乾隆五十四年 月

恭校上

總纂官臣紀昀臣陸錫熊臣孫士毅

總校官臣陸費墀



欽定四庫全書

秘書監志卷一

元 王士點 撰

職制

世皇觀天文以制歷授時觀人文以遵經化民廼立秘書監儲圖史正儀度頒經籍設官有員郎吏承授以至司天興文之隸屬廢置增損之歲月錄其故俾來者攷立監

至元九年十一月太保劉秉忠大司農博囉奉聖旨設  
立秘書監從三品級

官四員

監二員 從三品

少監二員 正五品

吏屬六人

令史二人

典書二人



奏差二人

陞正三品

大德九年七月十三日中書省奏秘書監官人每俺根底與文書俺的衙門自至元九年設立定作從三品來其餘監分即漸陞了有廢道指例說有俺商量來掌管禁書自前立來的不比其餘衙門有他每言語是的一般依著別箇監分體例陞正三品呵怎生奏呵奉聖旨那般者欽此行使正三品銀印劄付禮部鑄造首領官

知事改陞典簿都省欽依照驗

大德十年二月二十二日中書省奏秘書監中尚監都水監等衙門裏行的人每依例遞陞并添散官等四十員於內受宣命三十九員受勅牒一十員委付呵怎生奏呵奉聖旨委付者秘書監正三品少監從四品監丞從五品典簿從七品

設官

至元十年二月初七日大司農博囉奏准陰陽禁書都

教分付與秘書監者前戶部尚書焦友直改授秘書監  
趙秉溫充禮部侍郎知侍儀事兼秘書少監史扛引進  
使知侍儀事兼秘書少監三月給從三品印閏六月扎  
瑪里鼎以司天臺提點充秘書監

至元十八年四月十一日蒙古勒圖魯格傳奉皇太子  
令旨咱每的秀才宋弘道依著都勒幹托里齊扎瑪里  
鼎一般與名分者俸錢比那兩箇更教多些者阿哈瑪  
特根底說者敬此於三月初三日授大中大夫秘書監

欽定四庫全書

卷一

禮任宏道名衛

大德五年添設秘書監一員賈翔於八月十七日上  
至大四年二月十七日舍哩博碩徹爾奉聖旨秘書監  
改做秘書卿

食俸三員

一員徹里至大四年二月十六日巴哈集賽第一  
日柱廊內有時分對舒庫爾齊鄭尚書巴延托果  
斯院使養安同知韓侍郎等有來舒庫爾齊少的

特奉皇太子令旨教奇爾濟蘇平章的孩兒舍哩  
博碩徹滿做秘書卿第四畫字行者便教禮上者  
於二月十八日禮任

一員昭文館大學士中奉大夫典寶監卿溫得榮  
授秘書監卿依前昭文館大學士散官如故皇慶  
元年二月初九日禮任

一員通議大夫隨路諸色民匠都總管府達魯噶  
齊達爾瑪實哩授秘書卿散官如故皇慶元年七

月十四日禮任

不食俸二員

一員遙授集賢學士嘉議大夫前僉尚服院事楊  
光祖授崇文館大學士中奉大夫秘書監卿至大  
四年四月十九日禮任

一員崇文館大學士中奉大夫武備寺卿譚振宗  
授秘書卿依前崇文館大學士散官如故十一月  
十四日禮任

至元十八年添設少監二員

一員程文海二月內准禮部關承奉中書省劄付  
准呼喇呼孫阿里蒙古文字該中書省官人每根  
底建昌軍官人程總管年時哥哥根底大牌子與  
了勾當那與了皇帝根底有省得提奏出氣力麼  
道來呵阿哈瑪特根底說者他根底有勾當與者  
麼道聖旨有來如今他說有省裏也去阿作甚麼  
陳楚客的替頭裏翰林院裏文字的勾當行呵省

得題奏行踏說有麼道奏呵那般者麼道聖旨了  
也又上位可憐見我根底不揀怎生行者道呵我  
的孩兒俺兩箇勾當裏了呵不宜的一般我的孩  
兒根底或大廟的勾當裏或交秘書監的勾當裏  
呵上位識者說有麼道奏呵那般者麼道聖旨了  
也欽此今擬翰林修撰朝列大夫程文海授中順  
大夫秘書少監當月初一日禮任

一員至元十八年八月十五日吉丁啟有秘書監



宋宏道索曹晉充秘書監少監做伴當勾當敬奉  
皇太子令旨那般者麼道敬此曹晉授朝列大夫  
秘書少監九月初一日

至元二十年添少監一員利用少監千努欽授宣命  
奉議大夫秘書少監十一月初十日禮任

至元二十三年添設少監一員承事郎僉隴右河西  
道提刑按察司事宋光祖授承務郎秘書少監於八  
月十七日禮任

至元十六年設監丞一員正六品級前國子監助教  
耶律有尚祇授敕牒承務郎秘書監丞九月初二日  
上

至元二十五年添監丞二名

一員沙木斯鼎至元二十五年七月初九日尚書  
省奏年時和塔拉孫岳提點兩箇奏秘書監回回  
每陰陽不理會得的人每俺根底管著有已後陰  
陽文書每失散了呵俺怕的奏有麼道奏呵扎瑪

里鼎漢兒陰陽人根底體管者麼道交出去了來  
昨前又教奏了秘書監人去來他又回回陰陽文  
書提調的伴當麼道和他一處行的沙木斯鼎根  
底索有俺商量得沙木斯鼎根底教做監丞漢兒  
陰陽文書根底提調孫岳提點根底教做秘書監  
蠻子陰陽人陳春官根底教做少監委付了這兩  
個根底在前管著的勾當根前依舊委付了這兩  
個根底在前管著的勾當根前依舊教管著又秀

才的文書提調的一兩個秀才官人每委付呵怎  
生麼道奏呵那般者聖旨了也欽此八月十六日  
祇授勅牒承直郎秘書監丞當日禮任

一員張康先於至元二十四年二月內准中奉大  
夫同僉樞密院事咨著作佐郎張康扈蹕兩都歷  
俸已逾三考有勞無過竊見唐方與康俱南來者  
方已陞翰林待制惟康未蒙陞擢家又貧困若陞  
秘書少監額外請俸不署事推演太一數供職輦

下相應准此具呈都省照詳至元二十五年八月初八日張康祗授勅牒奉直大夫秘書監丞依例請俸不署事

延祐元年九月初二日阿爾哈雅左丞布哈叅議奏秘書監官人每的名字寫將來者麼道聖旨有來將寫著的名字教看呵總做一十員者內請俸的秘書卿教四員者教沙木斯鼎為頭教舒庫爾齊實哩第二劉總管第三與昭文館大學士正奉大夫散官依前兼總管府

者教盛從善依舊其餘的出去者兩個火者不請俸額  
外教有者教設兩個太監鄭奇塔特五年記老的人有  
教他做太監與大中大夫散官那一個太監的闕裏我  
委付人也者設兩個少監教劉吉依舊教張景源做少  
監設兩個監丞教趙天祥依舊王宜之不揀幾時體替  
者廢道又九月初四日阿爾哈雅左丞特奉聖旨秘書  
監裏劉少監做太監馮僧兒做少監不揀幾時體替他  
每者廢道聖旨了也欽此

設幕府

至元十六年七月都省准設秘書監經歷一員

至元十七年設首領官提控案牘一員十一月十四日  
准中書吏部關依奉中書省判送准劉伯時充秘書監  
提控案牘當月十八日禮任

大德五年提控案牘改設為知事王士爚於大德六年  
正月初三日禮任

大德九年七月十三日中書省奏秘書監官人每俺根

底與文書俺的衙門自至元九年設立定作從三品來其餘監分即漸陞了有麼道指例說有俺商量來掌管禁書自前立來的不比其餘衙門有他每言語是的一般依著別個監分體例陞正三品呵怎生奏呵奉聖旨那般者欽此除本監行使三品銀印劄付禮部依例鑄造外首領官知事改陞典簿都省欽依照驗至元十六年設管勾一員十二月秘書監指諸色人匠總管府例設立管勾一員奉都堂鈞旨准呈



設屬官

至元十五年設著作郎一員劉天藻本官呈自至元十三年承江南行省咨樞密院以陰陽數學來朝至元十五年二月欽授宣命承直郎遙受南康路同知充秘書監著作郎

至元十九年添著作郎一員至元十八年八月初七日中書省啟武州判官完顏君翼御前彈琴人員秘書監裏見有著作郎名闕教入去者呵宜有啟呵奉皇太子

令旨那般者敬此十月祇授勅牒至元十九年正月初二日禮任

至元十五年設著作佐郎一員張副樞張左丞奉御托克托楚魯特穆爾給事中阿勒坦翰林承旨和爾果斯就鄂爾多裏聞奏過張明遠與著作佐郎名稱依例請俸專一理會陰陽勾當欽此於九月初二日禮任

至元二十四年添設著作佐郎一員至元二十三年二月十一日秘書監扎瑪里鼎奏李校書小名的人勾當

裏在意勤謹有雖不滿考呵他的這名分根底添與名  
分別個每也在意也麼道聖旨了也欽此校書郎李天  
麟授著作佐郎至元二十四年閏三月二十二日禮任  
至元十四年設秘書郎一員竇履二月內五格奉御傳  
奉皇太子令旨與趙大哥竇先生的孩兒於秘書監定  
奪教勾當者敬此知秘書監事趙侍郎於七月初九日  
奏稟在前聖旨教竇先生的孩兒於秘書監定奪勾當  
來如今管秘書監文書的秘書郎名兒有奉聖旨與那

名免教勾當者欽此於九月內禮任

至元十五年添設秘書郎一員八月十七日准吏部關  
承奉中書省劄付托克托珠呈六月二十二日奏有張  
平章張左丞焦尚書說鄭大教秘書監裏與焦尚書等  
做伴當管秘書監勾當呵怎生奉聖旨那般者欽此八  
月初六日鄭自興祇受勅牒禮任

至元十五年設校書郎一員八月十七日准吏部關承  
奉中書省劄付托克托珠呈六月二十二日奏有張平

章張左丞焦尚書說劉制置奏他孩兒謝譯史教秘書  
監裏焦尚書根底一同收拾文書勾當呵怎生奏聖旨  
那般者欽此於八月初六日謝椿祇授勅牒充秘書監  
校書郎禮任

至元二十二年添校書郎一員三月初三日翰林集賢  
侍講學士牒通事舍人周馳學問才能若處館閣校讐  
之任相應准此秘府具呈中書省照詳十一月二十四  
日准吏部關牒奉中書省劄付照會侍儀司通事舍人

周馳授將仕郎秘書監校書郎

至元二十五年祕府請設辨驗書畫直長一員都省准設

設吏屬

至元二十四年添設令史一名五月內祕府見役令史二人一人分監上京止有一人供事倉卒省臺呼召艱於應接纂修地理圖志未曾添設乞增設令史一人都省准設

至元二十五年設通事一名二月內為祕府纂修地理圖志監官扎瑪里鼎西域人華言未通可設通事一人奉都省准設

至元二十二年五月十六日都省准設蒙古筆且齊一人

至元二十三年八月二十一日都省准設回回令史一人

元貞二年正月都省准設知印一人

至大元年都省准添設知印一人

至大元年當年五月秘監知事改陞典簿比例當設典吏一人蒙都省准設

設司徒府

至元十八年十一月二十五日奉司徒府劄付十月二十日奏准翰林國史院領會同館集賢院都併做一箇衙門筆且齊色埒默為頭兒蒙古翰林院是寫蒙古字聖旨這勾當大有併在漢兒翰林院裏不宜一般如今



依舊翰林院交托里察罕為頭兒秘書監大史院司天臺人也多有俸錢也多有都併做一個衙門交張平章不妨樞密院勾當兼管著做頭兒這併了三個衙門總頭兒和爾果斯守司徒判翰林國史集賢院領會同館知秘書監事阿薩爾右丞判翰林國史集賢院領會同館知秘書監事阿里省裏與參政的名兒兼同判翰林國史集賢院領會同館知秘書監事已令各官欽授

翰林學士承旨中奉大夫兼修起居注領會同館事

和爾果斯授光祿大夫守司徒判翰林國史集賢院  
領會同館秘書監事修起居注如故

資德大夫將作院使禮部尚書同領會同館事阿薩  
爾授中書右丞判翰林國史集賢院領會同館秘書  
監事散官如故

正議大夫戶部尚書給事中同修起居注阿里授正  
奉大夫參知政事兼同判翰林國史集賢院領會同  
館秘書監事同修起居注如故

正奉大夫樞密院副使兼知秘書監領太史院事張  
易授榮祿大夫樞密院副使兼領秘書監事為革罷  
司徒府事

至元十九年六月二十五日准中書吏部關承奉中書  
省劄付欽奉聖旨節該革罷司徒府農政院等衙門坐  
到下項事理合下仰照驗施行承此當部除已委請本  
部王郎中依上施行外合行移關請照驗依奉省劄內  
處分事理將本府應有文卷簿籍若有合交付翰林院

等各衙門計問本部已委官就便交割仍將交付訖各事目數目開坐關來中書省割付准中書省咨五月二十五日聞奏和爾果斯為頭省官人每奏將來司天臺秀才每會同館蒙古翰林院等管著奏來我這省裏行又那裏押文字行呵不宜的一般筆且齊每也空喫俸錢有罷了色埒默托里岱鄂托克齊每那每各自勾當裏理會行者我雖在省行呵也是管著那的一般有奏將來有聖旨了也欽此本省咨請照驗事都省除外合

下仰照驗施行仍行移合屬欽依聖旨事意施行仍委  
官計問司徒府首領官將本府應有合交付翰林院等  
各衙門者就便交割合繳呈者呈省

位序

至元十年九月十八日秘書監扎瑪里鼎於萬壽山下  
浴堂根底阿錫葉克埒穆爾齊奏皇帝委付奴婢與焦  
大夫一處秘書監勾當來有聖旨畫字的再奏者麼道  
奴婢為住下勾當上與伴當每商量了依著欽受到宣

命畫字來兼自焦大夫比奴婢先出氣力多年合在上頭奉聖旨是有先出氣力來底做長者欽此

延祐元年七月初四日拜珠集賽第三日香殿裏有時分對舒庫爾齊哲伯耀珠阿都齊衆家等有來庫春太保阿哩雅國公奏過事內一件沙木斯鼎學士從世祖皇帝時分行來今後秘書監裏秦學士為頭沙木斯鼎第二畫字呵怎生奏呵奉聖旨不揀誰裏頭勾當呵在他每兩個下頭畫字者麼道聖旨了也欽此於延祐元

年七月初四日署事

兼領

至大元年閏十一月初五日昭文館大學士正奉大夫  
知秘書監岳鉉有旨依大德十年員數落知秘書監

至大三年正月十三日伊蘇丹集賽第二日皇太子鄂  
爾多有時分香山大司徒對雅努侍御啟從在前色辰  
皇帝有時分秘書監裏岳學士為天文禁書上頭為頭  
免管著行來如今見喫著昭文館大學士俸錢多年也

因分揀上頭秘書監裏不曾入去畫字有他不管呵不  
中的一般有啟呵奉皇太子令旨那般者教他依舊為  
頭兒知秘書監行者麼道

至大元年四月初十日秘書監少監沙木斯鼎除前歷  
仕外至元二十二年有扎瑪里鼎引見過奉色辰皇帝  
聖旨交習陰陽勾當者欽此

至元二十六年有扎瑪里鼎奏奉色辰皇帝聖旨分付  
阿錫葉克埒穆爾齊這沙木斯鼎根底與勾當者欽此



於元貞元年七月內祇授勅牒靈臺郎司天少監勾當  
至大德二年七月內祇授宣命校侍郎行司天監勾當  
至大德四年九月二十日欽授宣命頒朔大夫提點回  
回司天臺事勾當至大德十一年四月內有伊埒薩巴  
等官啟奉皇太子令旨交沙木斯鼎秘書監吳少監的  
替頭裏做少監者敬此當職於當月初七日禮任勾當  
本監行移吏部轉呈都省照詳未經欽授宣命至大元  
年二月十二日阿錫葉香山就柳林裏奏如今回回陰

陽人少有這沙木斯鼎不教陰陽裏行呵悞了一般的  
去年皇太子令旨裏教這沙木斯鼎秘書少監提調回  
回司天臺這般行來如今把他根底依在先體例裏交  
行呵怎生麼道奉聖旨那般者欽此

秘書監志卷一

欽定四庫全書

秘書監志卷二

元 王士點 撰

祿秩

設官任賢賦稟稱事所以厚臣鄰也秩有高下祿之隆殺定焉因歲時之豐約物直之低昂增俸給粟屢形詔旨會計多少具牘以書

至元十年十月初九日秘書監蒙太保大司農省會十

月初七日一同於皇城西殿內奏先於閏六月十八日  
奏奉聖旨秘書監俸錢教歷錢裏喫者合用的人立者  
你定了數目呵再奏者今奏秘書監焦友直扎瑪里鼎  
各人月支俸鈔一百兩少監趙秉溫史杠各月支鈔七  
十五兩令史趙欽止申傑各月支鈔一十七兩典書李  
思齊張琚琳各月支鈔一十兩奏差忽都魯伯蘇德慶  
各月支鈔一十兩公使人五名各月支鈔三兩這般呵  
怎生奉聖旨依著那般與者

至元十四年八月秘書郎月俸三十五兩當年七月令  
史添俸三兩

至元十五年五月著作郎月俸四十五兩

至元十五年九月著作佐郎月俸四十兩

至元十五年六月校書郎月俸三十五兩

至元十六年作頭董濟充管勾月俸一十兩

至元十三年作頭併入本監月俸六兩

正月為始月俸一十五兩

至元十五年三月初九日秘書監奉中書省劄付節該  
欽奉聖旨郭郎中俸錢奏呵依體例與者麼道聖旨了  
也欽此仰講議郭郎中合得名分擬定呈省奉此准中  
書戶部關就問得郭郎中稱元授中順大夫都水監於  
至元十三年十一月將都水監事併入工部至元十四  
年二月間欽授宣命充工部郎中署事勾當蒙張樞副  
省會先欽奉聖旨交你監修渾天儀等勾當上我於都  
堂內議定交你請工部郎中俸錢欽依先奉聖旨監修

渾天儀候改厯測驗了時即便還部遵依外蒙中書省  
依例自至元十四年三月為頭放支工部郎中俸錢

至元二十年九月初七日准中書戶部關承奉中書省  
割付至元二十年六月初七日安圖集賽第一日上都  
寢殿裏有時分奏過事內一奏勾當裏行的人每俸錢  
一番定奪比在前減了來如今諸物貴了的上頭俸錢  
不勾有御史臺官部官俺根底與將文字來俺眾人商  
量得除大官人每外已下併首領官筆且齊等俱勾當

裏行的人每根底斟酌與呵怎生奏呵奉聖旨恁衆人  
商量了待添與那甚麼回奏與麼道商量來奏呵奉聖  
旨與者既那般與呵却不做賊好來欽此都省議得隨  
朝衙門官員見請俸秩品同者其各支俸例不一都省  
除外合下仰照驗照勘各衙門官員元定見支各各俸  
例仍斟酌所掌事務繁簡另行定擬呈省外據省院臺  
部等衙門見勾當令史蒙古筆且齊通事譯使知印宣  
使奏差典吏祗候人等俸給依准所擬自至元二十年



七月為始先行支付仍就便移行合屬依上施行

令史

典書奏差

公使人

大德七年閏五月二十二日准中書戶部關奉中書省  
劄付欽奉聖旨節該官吏俸薄不能養廉增給俸米欽  
此都省與集賢大學士商議中書省事一同議得無職  
田官吏俸米除甘肅行省與和林宣慰司一體擬支口

糧外其餘內外官吏俸一十兩以下人員依大德三年  
添支小吏俸米例每一兩給米一斗十兩以上至二十  
五兩每員支米一石餘上之數每俸一兩為米一升扣  
算給付若無見在驗支俸去處時直給價雖貴每石不  
過二十兩上都大同隆興甘肅各省不係產米去處每  
石擬支中統鈔二十五兩價錢者從實開坐各各分例  
移准上都省咨於大德七年五月二十八日奏過事內  
一件前者為內外勾當裏行的官吏俸錢少的上頭俺

省官臺官并老的每一處商量了添與俸米者麼道奏  
了行了聖旨達爾罕丞相大都省官人每與學士每一  
處商議定奏將來但是無職田的請十兩以下俸錢依  
著先定來的小吏俸米例每一兩與斛米十兩以上至  
二十五兩與一石這的之上不揀請多少俸錢的十兩  
加與一斛俸米呵内外官吏一年約請二十八萬餘石  
米有這般與呵上都等處山後州城甘州等處河西州  
城并和林不係出米去處從著各處事宜與價錢并口

糧更迤南州城若無現在米呵與價錢的擬將幾個分  
例米有俺與和卓太傅右丞相衆人商量來請三定俸  
錢以上不與米三定以下俸錢的依著大都省官人每  
與學士每一處定來與呵怎生取自聖裁奏呵奉聖旨  
依著恁商量來的與者欽此都省除外合下仰照驗就  
行合屬欽依施行奉此關請照驗就行合屬欽依施行  
岳昭文祿米二石二斗五升

秘書監三員每員祿米二石

少監三員每員祿米一石五斗五升

監丞三員每員祿米一石四斗

著作郎二員每員祿米一石六斗五升

著作佐郎二員每員祿米一石三斗

秘書郎二員每員祿米一石三斗

校書郎二員每員祿米一石三斗

辨驗書畫直長祿米一石五斗

知事祿米一石二斗

令史三名各支祿米一石五升

蒙古筆且齊祿米一石五升

回回令史祿米一石五升

通事祿米一石五升

知印祿米一石五升

典書祿米一石

奏差祿米一石

管勾祿米一石

公使人二名祿米一石

大德十年七月十二日秘書監中書戶部關光祿寺太常寺等衙門官吏月支俸例與秘書監現支俸例不同本部議得秘書監元係從三品級今已陞為正三品所索添俸除秘書監岳通奉等已支正三品俸不須添給其餘官吏人等量擬到各各添支俸米奏准換授月日大德十年三月支付緣本監俸給按月支請了當如蒙准擬自六月為始支俸相應得此覆奉都堂鈞旨送戶

部依上施行本部議擬到秘書監官吏月支俸米

秘書監三員今比擬依利用卿等俸例各月支俸鈔  
二定米二石二斗五升

少監六員今比依利用少監俸例各月支俸鈔一定  
四十兩米一石六斗五升

監丞三員今比依利用監丞俸例各月支俸鈔一定  
三十兩米一石五斗五升

典簿今比依利用中尚章佩等監經歷太常寺典簿



俸例月支俸鈔一定米一石二斗五升

令譯史通事知印令史今比依光祿寺令譯史通事知印俸例各支俸鈔三十七兩米一石一斗二升

奏差二名今比依光祿寺奏差俸例各月支俸鈔二十二兩米一石

典書二名今照得光祿寺典吏月支俸鈔一十五兩米一石俸例相應難議添給

至大三年正月二十九日准中書戶部關奉尚書省劄

付欽奉詔書內一款節該官吏祿薄不能養廉以致侵漁百姓治効不修尚書省從長計議頒給欽此送本部呈照擬到各項事理

至大二年十二月二十八日濟爾噶朗集賽第三日玉德殿西耳房內有時分實保齊大都丞相鄂勒哲特穆爾丞相博羅齊圖列圖和卓大順司徒舒庫爾齊摩濟等有來太尉托克托丞相太保三寶努丞相巴延平章孟克特穆爾左丞相等奏天下諸衙門官吏俸錢不敷

的上頭交俺商量了添與者麼道行了詔書來俺衆人  
商量來隨朝衙門官員并軍官每如今見請的俸錢內  
減了加五改換與至元鈔住支俸米外任有職田的官  
員三品的每年與祿米一百石四品的六十石五品的  
五十石六品的四十五石七品以下的四十石俸錢改  
支至元鈔將職田拘收入官又外任宣慰使軍官雜職  
等官俸錢十分中減去三分餘上七分改支至元鈔兩  
隨朝衙門行省宣慰司的吏員俸錢減去加五其餘鈔

數與至元鈔十兩以下每月與俸米五斗外任行的小吏每的俸鈔依數改作至元鈔俸米依舊與呵怎生奏呵奉聖旨那般者欽此議得在都隨朝官吏俸秩截自至大三年正月為始欽依支付所據在外行省同隨朝衙門官吏併外任俸給擬自文字到日為始支付者省除外合下仰照驗就便行移諸衙門欽依施行

知秘書監月俸二定

秘書監三員每員月俸二定

少監四員每員月俸一定一十兩

監丞二員每員月俸一定三兩三錢三分三厘

典簿月俸三十三兩三錢三分三厘

著作郎二員每員月俸四十兩

著作佐郎二員每員三十六兩六錢六分六厘

秘書郎二員每員月俸三十六兩六錢六分六厘

校書郎二員每員月俸三十兩

辨驗書畫直長月俸二十兩

令史三名每名月俸二十四兩六錢六分六厘  
知印二名每名月俸二十四兩六錢六分六厘  
蒙古筆且齊月俸二十四兩六錢六分六厘

通事回回令史月俸二十四兩六錢六分六厘  
奏差二名每名月俸一十四兩六錢六分六厘  
典書二名每名月俸一十兩米五斗

管勾月俸一十兩米五斗

典吏月俸一十兩米五斗

祇候一十三名各月鈔一十一兩六錢六分六厘

延祐七年十一月二十七日拜珠集賽第一日嘉禧殿裏有時分舒庫爾齊耀珠博爾歡筆且齊約蘇某給事中奇塔特薩哩殿中特穆爾克等有來拜珠丞相達實哈雅平章齊刺參議呼圖克布哈郎中托音納爾中丞等奏過事內一件大都為賑濟貧民設立了十個鋪賑糴糙粳米來昨前奏過添了二十萬糙粳米做二鋪交賑糴米根脚裏為是救濟貧民糴的有如今多是官豪

勢要并勾當裏行的人每使人糴買的上頭到不的貧民每根底的一般俺商量來如今將在都各衙門官吏人等請的俸錢十分內教與三分糙粳米呵怎生奏呵奉聖旨那般者欽此都省議得每糙粳米一石准中統鈔二十貫照依各衙門官吏見請俸例欽依扣算除該支五斗以上者依例折支四斗以下畸零之數不須折支就行各衙門依上施行

卿三員每員月俸至元鈔二定今該支俸一定二十



兩米折鈔三十兩該支米七石五斗

太監二員每員月俸至元鈔一定三十三兩三錢三分三厘今該支俸一定九兩三錢三分三厘米折鈔二十四兩該支米三石

少監二員每員月俸至元鈔一定一十兩今該支俸四十二兩米折鈔一十八兩該支米四石五斗

監丞二員每員月俸至元鈔一定三兩三錢三分三厘今該支俸三十三兩三錢三分三厘米折鈔一十

四兩該支米三石五斗

典簿月俸至元鈔三十三兩三錢三分三厘今支俸二十五兩三錢三分三厘米折鈔八兩該支米二石  
著作郎二員每員月俸至元鈔四十兩今支俸二十  
八兩米折鈔一十二兩該支米三石

著作佐郎二員每員月俸至元鈔三十六兩六錢六分六厘今該支俸二十六兩六錢六分六厘米折鈔一十兩該支米二石五斗

秘書郎二員每員月俸至元鈔三十六兩六錢六分  
六厘今支俸二十六兩六錢六分六厘米折鈔一十  
兩該支米二石五斗

校書郎二員每員月俸至元鈔三十兩今支俸二十  
二兩米折鈔八兩該支米二石

令史等六名每名月俸至元鈔二十四兩六錢六分  
六厘今支俸一十八兩六錢六分六厘米折鈔六兩  
該支米一石五斗

奏差二名每名月俸至元鈔一十兩米五斗

典書二名每名月俸至元鈔一十兩米五斗

祇候一十三名每名月支至元鈔三兩米一石

至元三年十一月准中書戶部關奉中書省判送至元三年十一月初四日奏過事內一件節該戶部文書呈在先在京衙門官吏人等請俸的俸錢十分內交與三分糙粳米者廢道聖旨每石價鈔二十兩折著與來即目賑濟貧民設立著二十鋪賑糴米糧官吏并勾當裏

行的人每日用俸米不敷使人糴買的上頭貧民根底到不得一般有如今官吏人等合得俸米每石折鈔一十五兩將減了的價錢米鈔相兼支付的說有依部家定擬來的行呵怎生奏呵奉聖旨那般者欽此

卿三員每員月支七石五斗續添折出米二石五斗  
太監一員月支米六石續添出米二石

少監一員月支米四石五斗續添出折米一石五斗  
監丞二員每員月支米三石五斗續添出米一石

典簿月支米二石續添折出米五斗

著作郎月支俸米三石續添出米一石

著作佐郎等四員每員月支米二石五斗續添折出  
米五斗

校書郎二員每員月支米二石五斗

管勾月支米一石五斗續添折出米五斗

直長月支米一石五斗續添折出米五斗

令譯史等五名每名月支米一石五斗續添折出米

五斗

奏差月俸一十兩六錢六分六厘續添折不盡米鈔  
一兩米一石

典書二名每名月支俸十兩續添折不盡米鈔五錢  
米五斗

典吏月支俸一十兩續添折不盡米鈔五錢米五斗  
祇候一十二名每名月鈔三兩米一石

皇慶元年十一月集賢殿大學士中奉大夫秘書監卿

提調回回司天臺事沙木斯鼎秘書少監盛朝列等官  
於今月十七日有提調陰陽官庫春太保也於當職等  
處傳奉聖旨節該伊克集賽第一日嘉禧殿內有時分  
對伊德爾布哈王舒庫爾齊伊魯特穆爾知院明埒棟  
阿實保齊塔海和塔拉噶達爾等有來提調陰陽官庫  
春太保阿哩雅蒙古岱交奏上位可憐見蒙古岱的孩  
兒阿里做秘書郎者麼道有來如今都省給降勅牒照  
會都與了也父子兩個衙門裏畫字勾當呵體面不相



似一般有位可憐見呵蒙古岱不畫字交他孩兒阿  
里田惟真不之任闕內依著都省已降勅牒照會於秘  
書監裏勾當呵怎生奏呵奉聖旨蒙古岱老也有本事  
的人有休畫字依舊喫秘書卿俸錢提調陰陽勾當者  
阿里交秘書郎裏畫字勾當行者麼道聖旨了也欽此



秘書監志卷二

欽定四庫全書

史部  
祕書監志卷五

編修臣  
初喬齡覆校

武英殿纂修侍講陳嗣龍

欽定四庫全書

秘書監志卷三

印章

元 王士點 撰

秘書監印一分監印一監少監亦各有職印印如其品  
皆鑄以銅直鉏篆以國字以銀龜為匣後職印廢監陞  
正三品印易以銀給雙銀龜右貯印左函朱聯以韋笈  
茵褥副馬分監印亦如之幕府白經歷曰典簿印隨號

改秘書郎職管鑰給印一管勾掌故牘給印一皆鑄以銅直鉏龜匣

至元十年二月秘書監承奉中書省劉照會本監官員欽授宣命勾當事奉此所有本監行用印信及各官職印俱未蒙給降乞賜鑄給施行

秘書監印及龜盒祔褥

各官職印

大中大夫秘書監

中順大夫禮部侍郎知侍儀事兼秘書少監

中順大夫引進使知侍儀事兼秘書少監

至元十年三月中書省送吏禮部依例鑄造到下項印  
信封面發到

從三品印一樣二顆

秘書監印

秘書監之印

正四品一樣二顆

禮部侍郎知侍儀事兼秘書少監印

引進使知侍儀事兼秘書少監印

至元十年五月秘書監蒙中書省分付下監印龜盒袱

褥一副

銀葉裏木龜兜一個

銀盒子一個重五兩九錢

紫羅夾褥一個

紅紵絲褥子一個

至元十二年六月二十二日秘書監呈據本監隨逐車  
駕別無分監印信竊見在京諸衙門俱有分司印信具  
呈奉都堂鈞旨送吏部依例施行當部送鑄印局鑄造  
到從三品銅印一顆隨關發去請照驗收管

至元十年閏六月初七日中書吏部承奉中書省判送  
為秘書監扎瑪里鼎職印事送鑄印局翟成依例鑄造  
至元十四年十二月初一日中書禮部承奉中書省判  
送秘書監焦秘書給職印奉都堂鈞旨送部照例鑄訖



呈省奉此送鑄印局依例鑄到秘書監從三品銅印一顆隨此發去請照驗收管

大德九年十月二十五日准中書禮部關奉中書省判送大德九年七月十三日奏過事內一件秘書監官人每根底與文書俺的衙門自至元元年設立定作從三品來其餘監分即漸陞了有麼道指例說有俺商量來掌管禁書自前立來的不比其餘衙門有他每的言語是的一般依著個監分體例陞作正三品呵怎生奏呵

奉聖旨那般者欽此除外者省合下仰照驗據本監行  
使正三品銀印依例鑄造完備封面呈省却將舊印拘  
收依例施行

大德十年三月十二日准中書禮部關奉中書省判送  
本部呈准秘書監關大德九年七月十三日奏准秘書  
監改作正三品衙門本監行使印信二顆上都鑄訖分  
監銀印一顆外有印一顆并合用櫃盒一付未經鑄造  
本部計料到銀兩等物議得分監印信上都已行鑄給

大都行使印信擬合依例鑄秘書監正三品銀印一顆  
發付行用追毀舊印相應奉都堂鈞旨送禮部更為照  
勘無差依例鑄給施行大德十年三月十一日准中書  
工部關來文本監正三品印銀櫃盒二付却將替下舊  
小銀盒一付差委奏差馬克明賁擎隨此發去請收管  
施行

大德十年九月准中書禮部關奉中書省判送本部呈  
准秘書監關本監典簿并秘書郎關印本部移准吏部

關照得秘書監陞為正三品典簿從七品秘書郎正七品級鑄印局申檢照不見秘書郎印例於黑印簿內照得典簿印俱係從七品上項印信俱未鑄給議得秘書監典簿等今既照勘准設品級印例明白合准本監所擬鑄造發付行用相應具呈奉都堂鈞旨秘書郎設置已久不須降印外據典簿印信送禮部依上施行

至元二十二年六月二十五日中書禮部關承奉都堂鈞旨送秘書監呈照擬經歷司印事當部得秘書監經

歷司既無印信擬合依例鑄造從七品秘書監經歷司  
銅印一顆發下行用相應呈准都堂鈞旨行下鑄印局  
依例鑄造

至元二十四年二月十四日本監經歷郝景呈已蒙中  
書省裁減本監經歷司所有卑職元掌經歷司銅印一  
顆四角篆文全呈乞照詳中書禮部送鑄印局依例銷  
毀作數

元祐五年四月十二日秘書郎任將仕於嘉禧殿西主

廊前有本監卿譚大學士傳奉聖旨分付到禮部鑄造  
到秘書郎銅印一顆欽依行使

元統二年八月十六日准中書禮部關奉中書省判送  
本部呈准秘書監關據管勾沙木斯鼎狀呈切照設官  
分職各有攸司卑職與太府寺監管勾俱係正八品級  
又兼專管御覽圖畫禁書經典一切文字不為不重在  
前初立本監權設管勾止授中書吏部劄付即與改授  
勅牒流官大有不同如蒙比例給降行使印信庶免白

文字窒礙禁例官不虛設事得成就具呈照詳得此參  
詳上項印信即係創索擬合比依尚乘寺管勾承發架  
閣庫印例鑄造從八品銅印一顆給付相應具呈奉都  
堂鈞旨連送禮部依上施行

廨宇

京師省府有二一在鳳池坊北中書省治也一在宮城  
南之東辟尚書省治也尚書省廢故秘書恒與兵禮二  
部易地而治經典度閣聽堂局曹宇與事稱今述其更

徙之故而不詳其制度云

至元十二年正月十一日本監官焦秘監趙侍郎及司  
天臺鮮于少監一同就皇城内暖殿裏董八格做奇爾  
穆蘇奏去年太保在時欽奉聖旨於大都東南文明地  
上相驗下起蓋司天臺廟宇及秘書監田地不曾興工  
如今春間若便蓋廟宇房舍工役大有先交築牆呵怎  
生奉聖旨牆先築者後廟宇房子也蓋者欽此

至元二十一年二月十二日近為諸衙門遷往大都惟



本監未曾標撥乞於大都係官房院立監於元撥定地  
內起蓋所有本監官吏亦合依例一就標撥居止地面  
照得當監有房舍大小三十間尚有未數移關工部標  
撥施行

至元二十三年三月初七日嘉議大夫秘書監扎瑪里  
鼎於二月十一日伊克集賽第二日對伊徹察刺托克  
托呼舒庫爾齊巴延哥爾穆蘇阿錫葉等就得仁府鄂  
爾多裏有時分當職同鄂爾根徹爾奏過下項事理除

已蒙文字具呈中書省照詳施行

一奏如今皇帝聖旨裏教秘書監編修地理文書者  
麼道秘書監裏勾當裏行的人都在大都裏住有秘  
書監在舊城裏頭有來往生受有勾當也悞了有大  
都裏頭一個織可單絲紬的局有那裏頭個人住有  
那的交移的舊城裏入去做生活者那局根底做秘  
書監呵怎生麼道奏呵省官人每根底說者那的中  
呵與者不中呵別個房子與者無呵道與那壞損教

蓋與者麼道聖旨了也

一奏舊城裏頭秘書監房子每是我的有來如今秘書監移出去了呵那房子我拆將來大都裏頭蓋房子呵怎生麼道奏呵你要者麼道聖旨了也

至元二十四年六月十一日尚書工部來呈本監於舊禮部置監明文闕來事准此照得先承奉尚書省判送秘書監呈有監官劉朝列蘇奉訓尚書省稟奉都堂鈞旨般移將舊禮部裏去者奉此呈乞照詳批奉都堂鈞

旨送工部依上施行

至大元年六月十六日奉都堂鈞旨本監般移將舊禮部裏去者奉此

至大四年五月十四日本監典簿劉復初呈當日面奉左司官楊都事張都事傳奉都堂鈞旨於今月十二日欽奉聖旨泉府院解字撥作秘書監便交般移書畫者欽此具呈照詳

至大四年六月二十五日准中書禮部關奉中書省劄

付至大四年五月十二日月察察爾大師集賽第三日  
正殿西壁和爾齊房子裏有時分和塔拉圖魯默色學  
士九耀努等有來李平章察罕叅政回回叅議圖勒噶  
特穆爾叅議呼圖克布哈都事等奏過事內一件泉府  
司併入戶部了也將那解教做秘書監呵怎生奏呵奉  
聖旨那般者欽此都省合下仰照驗施行奉此關請照  
驗

皇慶元年三月十七日監丞賈奉訓秘書郎何大訓稟

奉都堂鈞旨仰本監依舊移於北省禮部置者

至治二年十月二十九日准中書禮部關當月二十八  
日本部尚書阿布哈正議傳都堂鈞旨秘書監御覽禁  
書教移將南省兵部裏權且收頓者奉此照得先蒙右  
司省掾尚愚仲傳奉都堂鈞旨秘書監移將更鼓樓後  
宗仁衛衙門裏去者那裏頭見安下的使臣兌那與正  
廳盛頓御覽禁書者奉此已下會同館外關請照驗

分監

車駕歲清暑上京丞相率百官各奉職分司扈從祕府  
亦佩分監印輦圖籍在行間所以供考文條御覽者視  
它職為華要

大德五年四月二十日據知印申居仁呈奉監官台旨  
闕取下項合用書籍用站車載赴上都者奉此

闕八百六十冊

通鑑六百九十冊

太平御覽一百五十冊

通典二十冊

大德七年三月二十六日蒙昭文館大學士省會年例  
分監上都合用書籍教差定人吏管押站車上來者

太平御覽

事類文集

通典

播芳

延祐二年四月十六日照得年例分監上都以脩御覽



通鑑等書籍及裝載站車打角柳箱蓆索等物行移依  
例應付奉此

書籍

通鑑一部

播芳一部

太平御覽一部

春秋一部

周禮一部

禮記一部

通典一部

尚書一部

打角物件

柳箱子四個

葦蓆四領

單三索四條

連邊紙

裝載站車一輛全掛頭疋并差去人飯食分例

管押人

王鑑 朱仲寶 陸八刺沙 師贊

公移

秘府奉圖史無倥偬之務簡牘希闊公會定期郎吏陟降堂序進退揖諾禮容甚都凡器用簡扎飲食之需趨走之徒畢具朝廷所以優待文臣者周矣

至元十年十二月初四日承奉中書省劄付照會與各

部平牒事

至元十三年三月初二日中書禮部承奉中書省劄判  
送吏禮房呈據吏部呈奉省判翰林兼國史院與秘書  
監行移本部照得即日隨朝衙門亦有五品與三品平  
牒行移參詳翰林兼國史院與秘書監為無闕攝比及  
通定奪以來擬合依舊行移呈奉都堂鈞旨准呈

至元十五年六月二十五日中書禮部來呈監官俱付  
上都蒙本監擬委權監勾當即不見於各衙門如何行

移乞定奪事省部議得既是秘書監官俱付上都委令  
申傑收掌印信權管監事凡有印造歷日等事擬合具  
呈省部呈奉到都堂鈞旨送本部照例施行奉此省部  
照得通政院都事權管院事各部符下據權管秘書監  
事比及秘書監官還監以來依奉都堂鈞旨權令依例申  
呈省部

至元二十年八月初二日准中書禮部關承奉中書省  
劄付近據樞密院呈不見本院與宣徽院行移體例唐

事院呈乞定奪隨朝衙門行移事都省議擬到諸衙門各往復行移體例開坐前去合下仰照驗行移合屬照會施行

六部與樞密院詹事院宣徽院衛尉院通政院都功德使司各無行移若有相干公事下各衙門經歷司司儀司其於大都上都留守司翰林國史集賢院翰林院省斷事官太府監大理寺太常寺秘書監大史院並往復平牒諸路打捕鷹房總管府護國仁王寺

總管府并聽符下

至元二十二年七月本監准中書吏部關承奉中書省  
判送秘書監呈奉中書戶部劄付為起移官吏事除外  
議得舊例與翰林院往復平牒太常寺留守司平關雖  
奉戶部劄付未曾承奉都省明文與六部如何行移奉  
都堂鈞旨送吏依例施行奉此移准禮部關照得近奉  
都省劄付欽奉聖旨節文六部陞為三品其餘二品衙  
門咨部三品以下申部以此本部議擬呈准都堂鈞旨

內三品衙門依都省劄付樞密院例行移回報申移咨各部照會了當次後却奉都堂劄付欽奉聖旨節文六部依舊做三品者欽此除外今准前因照得六部與諸衙門今依舊行移批奉都堂鈞旨送本部依例施行至元二十九年五月二十六日本監奉中書省劄付照得隨朝衙門與六部已有行移定例從七品以下人員例從吏部擬注今有各衙呈保譯史令史宣史奏差典吏人等似此細事不必移關吏部定奪俱各經直呈省



不唯逗留文繁有妨政事都省除外合下仰照驗今後  
行移各部依例施行

至元三十年五月十五日本監奉中書省劄付蒙古奏  
譯該至元三十年四月十三日奏過事內一件省裏文  
書多聚有聚的緣故官裏根底近行的二品衙門裏官  
人每與六部不行移文書有俺根底與文書俺轉與六  
部家文書有為那上頭往來遲悞著勾當有今後這衙  
門與六部交行移呵那般者依著恁的言語者聖旨了

也欽此都省議得隨朝二品衙門除見帶一品官爵人員遇六部行移依例止押檢目不須署押關文除外合下仰照驗欽依施行

什物

至大四年十二月二十八日據架閣庫管勾李恕承奉指揮同奏差李居真與工部所差覆實司吏王伯隆從實交割到泉府院鋪陳什物數目

鋪陳

厚座子二十二個

絨錦長條子一個

絨錦短條子一個

舊梅紅長條子一個

什物

書案六個案衣全

印桌子一個印衣全

桌子兩個

脚踏一個

舊氈簾一個

舊鶯項凳子二個

鐵火盆一個火架全

沿邊紅竹簾一個

破屏風三付

獨食桌子八個

鍋一口

紅酒局子一個

大紅盤子二面

紅小粉盤子一十個

大鍋一口

脚踏子一個

鐵火盆一個架子全

書卷桌子一個

厚座子二個

紅條子二個

綠條子二個

紙劄

至元十年十一月呈夾紙一百張線紙二百張檢紙一百張印色心紅三兩

至元十二年十月十一日本監照得十月分令史紙劄等未曾闕支

夾紙五十張

線紙一百張

檢紙五十張

印色心紅一兩

中書省判送議得秘書監呈整理秘書漸多元關紙割  
不敷今添支事送本部擬自至元十三年正月為始約  
量添支夾線紙各五十張似為相應覆奉都堂鈞旨准  
呈似數放支者

至元十五年正月照得本監春季紙扎心紅未曾闕支

開坐移闕中書戶部依例放支

夾紙三百張

線紙四百五十張

撿紙一百五十張

印色心紅三兩

公用銀器

至元二年四月十二日秘監密邇謨蘇麼提調制造公用銀器送架閣庫依數收貯聽候公用



一鍍金缸臺盞一付重八兩五錢九成色

一鍍金臺盞一付重四兩九成色

一銀壺瓶孟子各一件重二十七兩係十成色

壺瓶一個重二十兩

孟子一個重七兩

食本

至正元年閏五月初九日准中書戶部關至正元年四月二十四日阿爾圖集賽第二日大口奈曼鄂拓克裏

有時分舒庫爾齊僧格實哩筆且齊實喇卜伊勒都齊  
蠻子殿中訥呼圖給事中特穆爾布哈等有來衆省官  
商量了伯勒齊爾布哈平章額森特穆爾平章達實特  
穆爾平章阿嚕右丞許左丞福珠叅政博囉特穆爾叅  
議實保叅議拜珠郎中蠻子員外郎綽爾齊台都事直  
省舍人昌吉哈喇特穆爾蒙古筆且齊德默實巴延特  
穆爾等奏過事內一件奎章閣營運錢內翰林院裏與  
叅阡定秘書監裏與一阡定鈔交做堂食錢呵怎生奏

呵奉聖旨那般者欽此

至正二年正月覆奉監官議得上項營運鈔定諸人借使監官不過中統鈔五十定屬官三十定令譯史二十定典書人等一十五定月息一分五厘必須明白開寫正借錢人代保人元附籍貫見任職役事產借錢人或遇別有遷除得代本息納足方許給由如有拖欠利息隨於代保人名下月俸內扣除還官若上項正借錢人鈔定不完代保人告滿文解亦不行給付借錢人雖在

無錢將事產折挫入官外不敷之數代保人名下一面  
追徵事產亦行折挫凡借錢人文契典簿廳受訖呈監  
然後用半印勘合行下架閣庫收受的契方許放支鈔  
定仍具出庫起息年月明白開呈仍下典簿廳以備查  
勘委自太監以下正官一員每季一次提調下季不過  
孟月初五日明白開寫見在并已借未收實欠備細數  
目移文本監轉關下次提調官照驗施行凡典簿廳呈  
到諸人借錢文契須要提調官與監官相叅署押行下

架閣庫放支施行仰移關提調官監丞王道奉議仍下  
典簿廳架閣庫照驗依上施行欽此

公使人

至元十年十月為始設公使人五名月俸三兩

至元二十二年某月某日每名月支鈔七兩五錢

守兵

大德元年四月二十五日秘書監照得自至元十年設  
立秘書監置庫收掌應有禁書陰陽文字為無處軍看

守恐致踈虞擬撥守護處軍三名具至中書省蒙撥到處軍二名常川守護

至元十四年呈中書省送兵刑部擬添處軍一名與元撥處軍二名一同看守呈奉都堂鈞旨准呈了當在監處軍三名看守

大德五年六月十四日武衛親軍百戶完顏懷義蒙武衛親軍都指揮使司脩奉上司文字欽奉聖旨秘書監裱稍佛像書畫等委差懷義將引軍一十名看守供作

勾當欽此照得上項軍人合請口糧一總計軍一十名  
自大德五年四月初一日為始至六月終內除四月六  
月小盡二日不支外每名該支米八斗八升

工匠

大德五年八月初六日秘書監據知書畫支分裱褙人  
王芝呈近蒙都省欽奉聖旨裱褙書畫差官前到杭州  
取發芝并匠人陸德祥等共五名馳驛前來秘書監裱  
褙書畫勾當所據芝等夏衣已蒙關支所有冬衣合行

開坐具呈乞賜依例放支

總計五名

知書畫支分裱褙人一名王芝

裱褙匠三名

陸德祥 馮斌 尤誠

接手從人一名陳德

至元二十一年十月十三日秘書監據本監管勾董濟  
呈本監裱褙人匠趙得秀等除已支夏季四月至閏六



月鹽糧外有秋季七月至九月合支鹽糧數目開坐具呈得此關戶部依例放支

一總白米二石四斗

白麵一百二十斤

鈔一十兩

趙德秀每月白米三斗白麵一十五斤鈔一兩五錢  
四個月總該米一石二斗白麵六十斤鈔六兩

張柏松每月白米三斗白麵一十五斤鈔一兩五錢

四個月計該白米一石二斗白麵六十斤鈔六兩

雜錄

大德五年三月准中書吏部關來文本監減提控案牘一  
設知事一即日欽奉聖旨裱褙書畫止有提控案牘一  
員提調候知事到任至日代替庶不失悞請照驗事准  
此除知事另行外關請照驗

延祐三年九月初七日額森特穆爾集賽第二日嘉禧  
殿內有時分本監官守司徒沙木斯鼎對庫春太保實

保齊賽瑪爾堪奇爾穆蘇阿哩雅等有來沙木斯鼎奏  
馮少監如今教做太監蕭同知做少監阿爾默色張少  
監他每都是先勾當來的人有如今遞的新入來的要  
他每舊勾當的之上畫字有我他每根底依例說呵他  
每不聽有麼道奏呵奉聖旨那般體例那裡有隨朝衙  
門有先來後到教遞陞的馮僧免阿爾默色之下畫字  
者蕭少監張少監之下畫字者麼道

泰定四年五月十六日准秘書少監虞集蒙都省給驛

馬三正赴召上都入侍經筵關請照驗

至元十二年十一月十三日准少中大夫秘書監於今  
月初九日內裏煖殿內對陰陽人阿里威等伊埒濟奇  
爾穆蘇奏造阿達了也奉聖旨將去秘書監裏與秘書  
一處放著交令史每寫見數目者欽此當職照得係官  
大蓋造處用度開坐關請照驗聖旨處分事意收頓  
一總計阿達九百六十四個

青石一百五個

錫一百個

生鐵一百一個

瓦的一百個

錫鐺八十個

銅鍋一百個

鴉青紙二百二十四個

白紙一百五十三個

大銅鍋一個

卷之二十一

卷之二十一

十一

秘書監志卷三

欽定四庫全書

秘書監志卷四

元 王士點 撰

纂修

至元乙酉欲實著作之職乃命大集萬方圖志而一之以表皇元疆理無外之大詔大臣近侍提其綱聘鴻生碩士立局置屬庀其事凡九年而成書續得雲南遼陽等書又纂修九年而始就今秘府所藏大一統志是也



因詳其原委節目為將來成盛事之法

至元二十二年六月二十五日中書省先為兵部元掌  
郡邑圖誌俱各不完近年以來隨路京府州縣多有更  
改及各處行省所轄地面在先未曾取會已經開坐沿  
革等事移咨各省并劄付兵部遍行取勘去後據兵部  
令史劉偉呈亦為此事施行間據來呈該准上都秘書  
監闕扎瑪里鼎奏太史院歷法做有大元本草做裏體  
例裏有底每一朝裏自家地面裏圖子都收拾來把那

的作文字來聖旨裏可憐見教秘書監家也做者但是  
路分裏收拾那圖子但是畫的路分野地山林里道立  
堠每一件裏希罕底但是地生出來的把那的做文字  
呵怎生奉聖旨那般者欽此呈乞照詳事得此六月十  
三日與本監焦尚書彭少監等議得翰林院兵部各差  
正官與本監一同商量編類似為便當得此除已劄付  
兵部摘委兵部郎中趙奉議及劄付翰林院依上差官  
外仰照驗欽依聖旨事意施行

至元二十三年八月二十九日本監照得欽奉聖旨編  
類地里圖文字欽此開坐具呈都省明降

一奏皇帝聖旨裏教秘書監編修地里文字者麼道  
秘書監裏勾當裏行的人都在大都裏住有秘書監  
在舊城裏有來往生受有勾當也悞了有大都裏頭  
一個織可單絲紬的局有那裏頭別人住有那的每  
教移的舊城裏入去做生活者那局根底做秘書監  
呵怎生麼道奏呵省官人每根底說者那的中呵與

者不中呵別個房子與者無呵道與那懷教蓋與者  
麼道聖旨了也欽此除已累經呈省關部外到今未  
能撥到不能聚集編類人員合行早為撥降

一奏省裏與文書來隨處城子裏頭有的地里圖子  
文字每收拾將來者道來至今不曾將來勾當遲了  
有如今疾忙教將來者麼道省裏再與文書呵怎生  
麼道奏呵那般者麼道聖旨了也欽此照得除將已  
發到路分文字見行照勘外有下項未到去處并邊

遠國土本監先為不知各各名號已曾具呈乞早將  
邊遠國土名號及行下未曾報到圖冊去處早為發  
到以憑編類

一奏有一個孔夫子的孩兒每根底教的陳儼小名  
又有一個蠻子田地裏有的秀才虞應龍又京兆府  
根底一個秀才蕭維斗這地理的勾當好理會的有  
那的每根底教將來呵怎生麼道奏呵教來者再用  
著的蠻子漢兒秀才每有呵鄂爾根徹爾理會的有

恁一處索者麼道聖旨了也

至元二十三年三月初七日准嘉議大夫秘書監扎瑪里鼎於二月十一日伊克集賽第二日對伊徹察喇脫克脫呼舒庫爾齊巴延哥爾穆蘇阿錫葉等就德仁府鄂爾多裏有時分當職同鄂爾根徹爾奏過下項事理除已蒙古文字具呈中書省照詳外

一奏在先漢兔田地些小有來那地理的文字冊子四五十冊有來如今日頭出來處日頭沒處都是咱

每的有的圖子有也者那遠的他每怎生般理會的  
回回圖子我根底有都總做一個圖子呵怎生麼道  
奏呵那般者麼道聖旨了也

一奏秘書監裏勾當裏行的人每別個勾當裏遷的  
去了呵地理的文字悞了的一般有月日滿呵就監  
裏添與小名呵怎生麼道奏呵那般者麼道聖旨了  
也

至元二十四年三月二十四日集賢大學士中奉大夫

行秘書監事扎瑪里鼎該奉尚書省劄付據集賢院呈  
近奉中書省劄付扎瑪里鼎阿錫葉奏地理圖子勾當  
遲悞了的一般有我怕有去年皇帝聖旨裏鄂爾根徹  
爾一處商量來俺的勾當他也好理會的有如今又在  
前省裏有底聖旨每秘書監底不揀那個勾當合用著  
底勾當每有鄂爾根徹爾一處商量了教行呵地理圖  
子底勾當疾忙成就也者麼道上位奏呵那般者麼道  
聖旨了也欽此本院照得集賢大學士鄂爾根徹爾近



受宣命尚書右丞兼議秘書監地理圖本實恐不暇況  
前項事理係扎瑪里鼎來立尚書省以前奏准公事呈  
乞聞奏施行得此都省除外合下仰照驗欽依元奉聖  
旨著緊編類無致遲慢

至元二十四年六月初九日尚書省近據集賢院呈本  
院集賢大學士鄂爾根徹爾受宣命尚書省右丞兼議  
秘書監地理圖本實恐不暇乞照詳事都省至元二十  
四年五月十二日奏過事內一件鄂爾根徹爾說畫地

理圖本教我提調著有來我根底省裏勾當委付了也  
那勾當管呵省裏勾當莫不就攔了去也麼道有來奏  
呵那勾當裏休行者麼道聖旨了也欽此

至元二十四年正月二十四日中書省近據來呈本監  
官扎瑪里鼎奏過事內一件節該一個孔夫子的孩兒  
每根底教的陳儼小名的人又有一個蠻子田地裏有  
的秀才虞應龍又京兆府根底一個秀才蕭維斗這地  
理的勾當好理會的有那的每根底教將來呵怎生麼

道奏呵交來者麼道聖旨了也欽此具呈取發事得此  
移咨各省取發去後今准湖廣行省咨該虞應龍狀呈  
正為理會地理勾當數年用工將古今書史傳記所載  
天下地理建置郡縣沿革事蹟源泉山川人物及聖賢  
賦詠等分類編述自成一書取漢書王吉所云春秋所  
以大一統者六合同風名其書曰統同志上以發揚聖  
朝混一海宇之盛其書見行纂修成藁擬就沿途併力  
抄寫正本一就進呈今湖南道宣慰司應付站舡二隻裝

載統同志文書誠恐前途水路不通乞照依中書省咨文  
應付鋪馬二疋行移前路官司應付人夫車子般載事  
至元二十四年二月三十日本監准中書工部關為彩  
畫地理圖本畫匠二名除已行下都城所差人押領交  
付外關請差人催取羈管

至元二十四年二月十六日奉秘監台旨福建道邊海  
行船回回每有知海道回回文字喇特納具呈中書省  
行下合屬取索者奉此

至元二十四年九月十八日奏奉聖旨取發到秀才虞應龍付監見行編類地理文字行下校書郎楊將仕周將仕就虞柏心先生處計會編類

至元二十四年三月二十一日本監竊詳聖朝天下一統疆宇宏遠州郡繁多著而為書比之前代浩瀚數倍其著述也必須稽考古來圖書憑準今日事跡一一重加編類若不加之歲月廣其文人未易成就今照得在監見有著作一員秘書一員校書二員并翰林院撥到

編修一員止是五人雖先呈准虞應龍蕭欽陳儼三員  
累次催請未見到監日期為此已將省部發到隨路文冊  
與古書相參依式類成荒藁已多本監官再行研窮參  
照多有勾引改抹貼說去處闕人抄寫乞中書省元摘委  
令翰林院趙學士兵部趙郎中早為赴監詳定及權設  
書寫五七人先行謄錄靜藁以待博學洽聞者儒宿德潤  
色刪定成書以脩進呈若不預呈不惟無以見纂修次第  
抑亦切恐耽悞外據未發到路分催會發下接續編類

至元二十四年十二月二十日本監近有翰林國史院  
差本院編修官馮肯播於本監修集地理文字本監就  
保陞著作郎職名蒙都省准呈

至元二十六年七月十八日本監准尚書吏部關近奉  
尚書省判送秘書監呈准本監扎瑪里鼎中奉關欽奉  
聖旨編類地理圖書呈准都堂鈞旨令王侯等支請飲  
食編類勾當擬充檢討移准吏部關議得王侯等即係  
創添窠闕似難議擬候編類事畢至日從優陞用准此

看詳王侯係必用人員各人別無名分俸給實難拘留  
呈乞照詳奉都堂鈞旨送吏部照擬連呈奉此議得秘  
書監舊制別無檢討職名所據王侯王益已受吏部付  
身充嶧陽等縣教諭今本監官扎瑪里鼎欽奉聖旨編  
類地理圖書各人支請飲食編類勾當已經呈准從優  
陞用以此叅詳如編類成就擬於府州教授似為相應  
呈乞照詳蒙都堂議得准呈送吏部依上施行

至元三十一年八月本監移准中書兵部關編寫至元



大一統志每路卷首必用地理小圖若於編寫秀才數內就選宗應星不妨編寫彩畫相應闕請如委必用圖本依准施行

至元三十一年八月十二日本監准中書兵部闕為余奕昌等曾無編寫至元大一統志即不見秘書監呈准都堂鈞肯續選編寫類定支請飲食分例人數姓名照勘明白同前項志書一就闕來准此除志書已行回闕收管外今將元准擬用編寫秀才虞應龍等一十名支

請飲食分例呈奉都堂鈞旨准呈到各各姓名及在後  
節次續准人數開坐回闕本部去訖

一元准少監虞奉直牒移闕兵部呈奉都堂鈞旨支  
給飲食分例額定編寫秀才一十員

虞應龍 方平 宗應星 朱孟犀 管本孫

朱謙 崔文質 余世昌 汪世榮 高季材

一續准少監虞奉直牒於前項秀才補替事故還家  
人員編寫三員

于天瑞補替汪世榮

趙孟節補替朱孟犀

周世忠補替高季材

校正一員

劉元普補替管本孫

至元三十一年十月二十六日本監准中書兵部關發  
到至元大一統志四百五十冊呈解中書省劄付發下  
右司收管

元貞二年十一月二十六日秘書監據著作郎呈保書  
寫孔思逮等五名係都省准呈月支飲食人員每日在  
局編寫未嘗少怠若蒙出給割付似為激勵得此奉監  
官台旨依准所保出給付身

孔思逮 王琳 趙由昌 王守貞 馮貞

元貞二年三月初五日日本監准中書兵部闕來文照得  
雲南發到地理沿革事蹟除完備外有下項未完事理  
早為行移取勘完備編類圖冊等事呈奉都省判送照

得雲南係邊遠地面難與腹裏一體奉都堂鈞旨送兵部行移本監就便計問差來任總管者

元貞二年三月十二日准兵部關奉中書省劄付來呈准秘書監關著作郎呈雲南行省所委編類圖志任中順編到地理圖冊甚是可取蓋緣秉志勤苦通曉文學久任雲南習知風土據金齒未經供報等處若令本官一就取勘編類似望早得完備都省准擬

元貞二年三月十六日准中書兵部關來文編寫雲南

地理文字據書寫人員紙扎筆墨等物依已行例官為  
應付本部議得除紙扎筆墨官為應付外據硯瓦什物  
鋪陳等物若於八作司見在物內借給事畢拘收還官  
相應具呈都堂鈞旨准呈連送兵部就便依例施行

戶部官為應付

紙二千張

筆一十把

墨二斤

工部暫借應付

硯四個

高條桌七個

條床四張

條子二個

蒲席七領

葦席七領

元貞二年十一月初二日著作郎呈粘連到大一統志

凡例

一某路

所轄幾州

開

本路現管幾縣

開

一建置沿革

禹貢州域



天象分野

歷代廢置 周 秦 漢 後漢 晉 南北朝

隋 唐 五代 宋 金 大元

一各州縣建置沿革

一本路親管坊郭鄉鎮

一本路至上都大都并里至

一各縣至上都大都并里至

一名山大川

一土山

一風俗形勝

一古蹟

一寺觀祠廟

一官蹟

一人物

大德元年三月初三日秘書監據著作郎呈近為編寫雲南地理文字計料到合用紙劄筆墨等物除發下檢

紙等物銷用外據上靜夾紙蒙祕府指揮候編定檢目  
至日計料取發照得上項地理文字今已編定檢目計  
料得合用上靜夾紙筆數目開坐具呈乞賜行移合屬  
放支

江淮夾紙二千五百張

好心子筆五十管

上等細墨一斤

大德二年二月初五日據著作郎呈奉祕府指揮編類雲

南甘肅地理圖冊依上編類到雲南等處圖志通計五十八冊合用裝褱物料已經開坐具呈照詳外有遼陽行省地理圖冊照得別不見開到本省所轄路府州縣建置沿革等事蹟及無彩畫到各處圖本難以編類照得元設書寫孔思逮等五名即目別無所寫文字據各人日支飲食擬合自大德二年二月二十一日權且住支候遼陽行省發到完備圖志再行編類依例呈覆關請大德二年五月初五日據著作郎呈依上編類到雲南

等處圖志通計五十八冊未曾裝褙就喚到裱褙匠趙德秀等計料到合用物料開坐呈乞照詳移准中書兵部關呈奉都堂鈞旨連送兵部行移工部比料實用數目無差就行合屬依例施行

禮部應付白麵七斤四兩

戶部應付夾紙二百九十張 線紙一百六十張

黃綾一百三十九尺二寸 藍綾八尺七寸

本部提舉左八作司應付白礬一斤一十三兩

皂角一斤一兩四錢

黃蠟一斤一十三兩

大德三年七月二十八日據著作局呈奉祕府指揮編類遼陽等處圖志并至元大一統志全部目錄今已編類上淨了畢共計八冊所據合用裱褙物料就喚到裱褙匠趙德秀計料到下項物料移准中書兵部關呈奉都省判送就行工部依上應付

大德三年書寫董可宗代孫伯壽闕

大德五年八月四至八到坊郭體式

某路某縣里至州同

某方至上都幾里 某方至大都 某方至本路

某方至本州

並依上開里數如隸本路者去此一行

東至某處幾里

至是至各處界

西至南至北至

東到

到是到各處城

西到南到北到東南到

西南到東北到西北到

並依上開里數

坊郭鄉鎮

領幾鄉

大德五年七月初二日准兵部關奉中書省判送本部  
呈秘書監關據著作郎趙忭呈照得編類天下地理志  
書備載天下路府州縣古今建置沿革及山川土產風  
俗里至宦蹟人物賜名大一統志續有遼陽雲南遠方  
報到沿革及各處州縣多有分撥陞改不同去處除將  
至元大一統志重行校勘添改沿革外須選揀通儒能  
書人員通行寫靜進本以備御覽實為重事本部叅詳  
寫志書人員食錢今次呈准依寫金字經例每名支中



統鈔一兩五錢照得吏部寫行止藉記部令史日支中  
統鈔七錢若依呈准放支似涉偏負以此比附量擬編  
寫志書人員每名日支食錢中統鈔一兩開局日為始  
放支相應奉都堂鈞旨准呈

元發二十名內合存一十六名

趙文煥 虞志龍 趙普賢 朱宗周 李純

高伯椿 李天任 趙素履 歐陽普壽 梁煥

辛鈞 耿居仁 王彥恭 孫伯壽 蓋光祖

趙宏毅

今次選換四名

牟應復替胡明安

魏誼替馮振

王時中替屈楚材

張晉替杜敏

大德七年五月初二日秘書郎呈奉秘府指揮當年三月三十日伊克集賽第一日玉德殿內有時分集賢大學士卜蘭禧昭文館大學士秘書監岳鉉等奏秘書監修撰大一統志元欽奉世祖皇帝聖旨編集始自至元

二十三年至今才方成書以是繕寫總計六百冊一千三百卷進呈欽奉御覽過奉聖旨於祕府如法收藏仍賜賚撰集人等者欽此

大德七年閏五月二十二日准中書兵部關刑部關准本部郎中賈朝列關竊見建康路明道書院山長俞庸委是才藝之士兼博通地理迥出儒流即目到部聽除即今兵部見奉中書省判送行移祕書監纂錄天下地理總圖若令本人分書纂錄彩畫完備實有可觀准得

照此先准翰林應奉汪將仕保呈前鄂州路儒學教授  
方平彩畫地理總圖已經移關秘監依上彩畫去訖今  
准前因一同彩畫施行

元貞二年六月十六日本監照得近為秘書監造到書  
畫等文冊三扇送校書郎校勘得除陰陽禁書封記未  
敢牽點外書畫與簿籍相同得此擬將陰陽禁書候公  
同監官還監至日牽點今將本庫元造文冊三扇發下  
收管

欽定四庫全書

卷四

大德四年四月十六日據秘書郎呈近蒙祕府指揮編類到至元大一統志書四百八十三冊計七百八十七卷仰子細校勘若有差訛就為改正仍標出差訛卷目呈監蒙此校勘間又奉監官台旨與著作郎趙從仕一同校勘奉此依上校勘了畢中間差訛字樣已經改正別無合標出卷目今將元闕出大一統志書四百八十三冊隨呈繳納還庫交收

至大四年七月二十一日中書省奏准事內一件節該

如今老秀才每少了也外頭後學每學得好的也有可選  
著於國子監裏并翰林院秘書監太常寺等文翰衙門  
委付并外頭儒學提舉司裏委付呵後人每肯向前也  
者麼道奏呵是有休問品從雖是白身人呵好的委付  
者麼道

至元二十三年十月初四日吏部來文秘監札等奏奉  
聖旨本監勾當裏行的人每月日滿呵就監裏添與名  
分關請依施行

至元二十四年四月二十四日照得本監欽奉聖旨編  
類地理圖籍於尚書省覆過奉都堂鈞旨般移於禮部  
置監都省催請著作郎虞應龍到監著述地理文籍必  
須置局講究編類彩畫圖并見闕合用鋪陳等物開坐  
具呈尚書省應付

本監用

條褥五箇

座子一十箇

蒲席一十領

葦席一十領

著作局用

條床六個

條桌一十個

葦席二十領

條褥五個

蒲席一十領

座子四個

硯瓦六個

至元二十三年二月十一日伊克集賽第二日就德仁  
府鄂爾多有時分秘監扎瑪里鼎同鄂爾根徹爾奏一  
個李校書小名的人勾當裏在意勤謹有雖不滿考呵  
他的這名分根底添與名分呵別個的每也在意也者



麼道奏呵那般者麼道聖旨了也

秘書監志卷四